

關中勝蹟圖志


延安府

疆域圖

東北交清湖路界一百九十五里

東坡志林卷之三

東南交難城臨河
三百五十五里



關中勝蹟圖志卷二十三

兵部侍郎兼都察院右副都御史陝西巡撫畢沅纂

地理

延安府釋名元和郡縣志隋延安郡以界內延水爲名

謹案

延卽奢延水也漢亦以名縣

沿革一統志治在省城北七百四十里禹

貢雍州之域春秋時白翟所居戰國初屬魏置上郡秦亦

曰上郡

謹案秦昭王三年置

漢元年項羽置翟國

謹案封董翳

尋屬漢仍

爲上郡後漢因之

謹案王莽改爲增山連率世祖復故名

建安二十年郡廢

謹案晉志魏武省

晉時荒廢後屬赫連勃勃後魏初屬統萬鎮太

和元年置偏城郡延昌二年置東夏州西魏廢帝三年改

爲延州隋大業三年改州曰延安郡

謹案通典後魏延州隋文帝廢煬帝復置

延安郡

唐武德元年復曰延州天寶初曰延安郡乾元初復

曰延州屬關內道五代後唐置彰武軍節度宋曰延州延

安郡屬陝西路慶歷元年分置鄜延路元祐四年升延安

府金亦曰延安府

謹案皇統二年于此置彰武軍總管府因五代舊名也

元爲延安

路屬陝西行省明爲延安府屬陝西布政使司

謹案洪武二年復爲

府續通考云領綏鄜葭三州並十六縣

本朝因之領縣十曰膚施安塞甘泉

安定保安宜川延川延長定邊靖邊形勝唐楊炎河西節

度使廳記濟河而西山河迴流其左右秦已上爲戎都漢

已下爲巨防有府城襟帶焉其風悍其國險常袞丹延團

練使制上郡北地義渠故國臨制戎狄屏於關中宋史趙
高王庶傳形勝之地爲五路襟喉太平寰宇記其城據山
四面甚險邊陲之郡府志序東距黃河西接宏化京兆踞
南沙漠界北府城通志赫連勃勃築宋范仲淹龐籍經略
時增修明初重築周九里有奇門四

膚施縣釋名元和郡縣志趙武靈王滅齊中山遷其人膚

施卽其處也通志秦昭王以名縣在今綏德界隋大業初

始置於延安界因舊名也

謹案舊傳釋氏尸毘王割肉救
鵠故縣名膚施然自秦以前已

有是名恐出附
會故未敢錄

沿革一統志附郭秦置高奴縣漢初爲翟

國郡尋屬上郡

謹案漢志上郡膚施高奴二縣並領今縣
二縣境並有縣北有金明城卽漢高奴故

也縣後漢因之晉廢後魏爲偏城郡廣武縣地謹案孝文帝置隋大

業三年始分豐林金明二縣地置膚施縣爲延安郡治唐

爲延州治元爲延安府治謹案宋志熙寧五年省豐林縣爲鎮金明縣爲砦入焉金

元明不改本朝因之

安塞縣釋名通志宋安塞堡也沿革一統志治在府西北

四十里漢高奴縣地後魏眞君十年置廣洛縣隋仁壽元

年改曰金明屬延安郡大業末廢謹案元和志大業三年省入膚施唐武

德二年分膚施復置金明縣兼置北武州貞觀二年州廢

屬延川謹案舊唐志武德置北武州領開遠全義崇德永安安義五縣後分膚施置金明縣屬之貞觀廢北

武州以五縣並入金明縣五代因之宋熙寧五年廢入膚施元初改置

安塞縣屬延安路明屬延安府本朝因之形勝府志長城
爲依延水環拱當銀夏之衝爲金明巨鎮縣志東依天澤
西亙大河萬山環峙二水滌流南逼烏延北連沙漠幅幘
廣辟寧夏襟喉縣城金史地理志本金舊堡壬子年建爲
縣通志城周三里有奇門三

甘泉縣釋名太平寰宇記以其泉甘美爲名縣志甘泉在
縣南五十里沿革一統志治在府南少西九十里漢上郡
雕陰縣隋爲洛交縣地唐武德元年分置伏陸縣屬鄜州
天寶元年改曰甘泉五代因之宋初改屬延安府金元明
不改謹案元時又有臨真縣至元二年併入甘泉見大一統志本朝因之形勝府志枕

山環谷廊延衝要縣城通志唐天寶初建明景泰中重築

周三里有奇門三

安定縣釋名通志本宋安定堡元以名縣沿革一統志治

在府北少東一百八十里秦置陽周縣

謹案漢志作陽周隋文帝紀祠黃帝

于橋山應劭注在上郡周陽縣以此爲異

屬上郡漢因之後漢省入虜施高奴

二縣爲延川縣唐爲延川延昌二縣地元置安定堡屬延

川縣元憲宗五年升爲安定縣

謹案元志亦云壬子年蓋與安塞同時升者也時又

有丹頭縣併入本縣

屬延安路明屬延安府本朝因之形勝府志翠

巘屏拱河水環瀾爲西塞要徑縣城通志明洪武初建成

化中築東關城周五里有奇門三

保安縣釋名通志本宋保安軍金以名州元以名縣沿革
一統志治在府西北二百二十里漢高奴縣地後魏廣洛
縣地隋膚施縣地唐置永康鎮宋太平興國二年建爲保
安軍屬永興路金大定十二年置保安縣二十二年升爲
州屬鄜延路元至元六年降州爲縣屬延安路明屬延安
府本朝因之形勝府志襟山帶水嶺岡重疊三秦咽喉邊
陲要地縣城通志卽古栲栳城明初增築周九里有奇門
四

宜川縣釋名通志本後魏義川縣太平興國中改名避太
宗匡義諱也沿革一統志治在府東南二百六十里戰國

魏定陽邑漢置定陽縣屬上郡後漢因之晉省後魏大統

三年置義川縣及義川郡廢帝三年改州曰丹州

謹案周書文帝

本紀廢帝三年改汾州爲丹州然則丹州本名汾州也元和志云義川郡後改汾州廢帝以與河東汾州同名改之

後周改縣曰丹陽隋開皇初郡廢復改縣曰義川大業初

州廢屬延安郡義寧元年又於縣置丹陽郡

謹案元和志大業三年廢

丹州于義川縣置延平縣十三年爲劉步祿所據義寧中改置丹陽郡

唐武德元年復曰丹

州天寶初改曰咸寧郡乾元初復曰丹州屬關內道宋曰

丹州咸寧郡屬永興軍路太平興國元年改縣曰宜川金

曰丹州

謹案金志丹州領縣一曰宜川

屬鄜延路元廢丹州以縣屬延安

路

謹案大一統志至元六年併丹州入本縣

明屬延安府本朝因之形勝府志

東據黃河南扼孟門峻嶺廣阜名勝要區縣城通志宋初建明正統中修周九里有奇門四

延川縣釋名元和郡縣志後魏文安縣隋改延川以吐延川爲名沿革一統志治在府東少北一百九十里漢高奴膚施二縣地西魏置文安縣又置文安郡隋開皇初郡廢改縣曰延川屬延安郡

謹案寰宇記大業三年改爲文州

唐屬延州宋屬

延安府金元明不改本朝因之形勝縣志西南依山東北臨壑延水襟帶層巒疊嶂屹然巖邑古今餉道縣城通志本元舊址明正統中重築周四里有奇門三

延長縣釋名通志延水長流入河因以名縣沿革一統志

治在府東一百五十里漢高奴縣地西魏廢帝元年置廣

安縣隋仁壽元年改曰延安

謹案亦因煬帝名改

屬延安郡大業末

廢唐武德二年復置延安縣兼置北連州貞觀二年州廢

屬延州

謹案唐志武德二年以縣置北連州並置義鄉齊明二縣以隸之貞觀二年省入延安

廣德

二年改曰延長宋屬延安府金元明不改本朝因之形勝

薛柱斗過街樓記後高奴而前翠屏左鳳嶺而右龍潭府

志北依山勢爲城南憑延水爲池嶺谷險阨屹然巖邑縣

城張廷楨築城記大定二十二年勘定延長治西北依山

隴東南爲平城通志城周四里有奇門二

定邊縣釋名通志本明定邊堡蓋取底定邊疆之意沿革

通志治在府西北三百五十里漢北地郡馬嶺縣地唐爲
鹽州地明正統二年置定邊營屬延綏鎮本朝雍正九年
置定邊縣謹案以明靖邊道西路定邊屬榆林府乾隆
元年改屬延安府形勝延綏鎮志延鎮西隣寧夏與花馬
池接壤者定邊之鹽場堡也定邊轉而東磚井各堡皆依
山臨塹倚險可守縣城縣志卽舊定邊營明正統中築周
四里有奇門二

靖邊縣釋名通志本朝定邊堡蓋取綏靖邊疆之意沿革

通志治在府西北三百里漢北地郡地後魏置闡熙郡及

長澤縣

謹案太和十一年置元和志以爲漢朔方三封縣地

隋開皇三年郡廢縣屬

夏州唐貞觀七年於縣置長州

謹案舊唐志貞觀七年于德靜縣置長州德靜在今

懷遠縣界

十三年州廢還屬夏州元和十五年移宥州來治宋

爲西寧地

謹案宥州唐治長澤縣宋趙元昊約張子奭留于宥州卽其地宋史西夏傳所稱河南之州曰

鹽州宥州是也

明成化十一年置靖邊營屬延綏鎮本朝初爲靖

邊所雍正九年置靖邊縣

謹案以明西路靖邊寧塞鎮羅鎮靖龍州五堡置

屬榆

林府乾隆元年改屬延安府形勝延綏鎮志寧塞迤西平

川錯雜爲延安之門戶鎮靖鎮羅皆爲要地縣城縣志本

宋夏州兀刺城明景泰四年改築新城成化中改置靖邊

營後又增南關城及新軍家丁兩營連環共四城周六里

有奇門二

本朝黃元驥登靖邊城詩危樓雉堞曉雲平谿水東流雨後聲北望旌旗搖玉帳西連鼓角動